

小州志卷之七

列女志

聖人刪詩列柏舟於變風之首所以立人道之經也
自後秦築臺曰懷清漢顯閭曰行義唐標闕曰節婦
里歷宋元明類無不章明婦順者我

朝扶翼風教尤重女貞建祠表宅歲不下數千人鄉里閭
壺羣知節操之足重矣州衛地也靡他靡慝之風至
今未泯故冰心筠節足以揚輝彤管者指不勝屈爰
卽採訪所及仿范志例另立一門其割股奉親孝行
疑迷者列於後至年登上壽乃

盛世之嘉祥不可畧也因備載卷末志列女

貞烈

唐

高愍女名姝妹父彥昭事李正己及納拒命質其妻
子使守濮陽建中二年挈城歸河南都統劉元佐納
屠其家時女七歲母李憐其幼請免死爲婢許之女
不肯曰母兄皆不免何賴而生母兄將被刑徧拜四
方女問故答曰神可祈也女曰我家以忠義誅神尙
何知而拜之問父所在西嚮哭再拜就死德宗駭歎
詔太常謚曰愍諸儒爭爲之誄李翱有碑載藝文錄
唐書本傳

元

姜氏谷有源之妻也至正末有源判蘇州邁疾且死
謂其妻妾曰吾病必不起汝輩肯從予乎姜曰諾有
源卒遂縊死同葬事聞勅旌其門

明

劉玉桂永康里劉肅女美姿容正德間薊寇劉七黨
流劫至開玉桂爲賊騎獲將犯之玉桂知不能脫給
之曰俟吾母來從汝賊使人求其母至母勸女從玉
桂曰吾求母來一見乃死耳豈從賊耶賊怒殺之
侯氏王世選妻薊盜流劫不受辱死于鋒刃

李氏夾壩里人白士強妻正德間薊盜至開轉掠至
李家氏方抱幼兒據榻坐賊欲犯之且令釋其子以

從氏不應賊脅以刃氏曰吾喪人妻奈何從爾賊賊怒并其子殺之士強自外至將戮力不支亦遇害陳氏由義坊人年十九歸郭村壘張允子慶慶有疾垂半載氏每祝神求代謂其夫若不幸父母必再嫁我我當以一死報君言之哽咽是夕卽自縊於室明日慶亦死雙柩並出里人哀之

劉氏潘村里劉越女同里馬載圖妻也載圖遘疾氏侍湯藥惟謹未幾載圖死及葬劉卽自經死合葬焉州同知潘塤上聞詔旌其門曰貞烈州判余珊有碑載藝文

梁梅女黃城里梁相女年十八許字同里李東周未

娶嘉靖三年十一月東周病且革密令妹遺梅以巾
若將同穴者梅心許之踰月東周果卒女聞而痛將
自經以母防衛未果他日其母歸寧女遂縊死東周
父倫住白女家娶而合葬之

劉氏生員王繼芳繼室慎德坊劉堯女小字淑珍年
二十歸繼芳無所出嘉靖十三年繼芳試督學御史
不得志憤而成疾殆甚劉知夫不起誓以死殉繼芳
止之佯應諾未幾繼芳卒劉哭之哀自夜達旦姑聞
而心憐之且恐其死防衛甚至越數日劉乘其姑熟
寐沐浴整衣裳在夫柩前自經死繼芳進士或之曾
孫也

李氏李孝思女許字楊國仲將于歸國仲卒次日女聞自縊死遂合葬焉

張氏王鋤妻鋤故氏亦哀死有司旌之

湯氏郭繼先妻繼先死七日氏自縊死

歐氏兵馬指揮馬玉衡側室玉衡死將平日所用布帛刀尺之類盡給散隣婦曰我青年不死必有迫我改節者何面目見死者地下乎三日後以帶縊死于樞前勅旌其門

王氏小郎中常日嚴妻御井王氏女也既誕名門又稟異質幼貞淑寡言笑動以古烈女自期歸常謙謹恭順克盡婦道常故饒于資時承平久無備忽有賊

數十人突入臧獲輩皆辟易散去王登樓避之賊遂上欲執之王急投前牕墜下脇折以死再傳而有袁氏

袁氏卽王氏孫進士常時泰妻東明縣進士袁葵之從妹也歸時泰踰二載值崇禎壬午冬北兵南入人出不意皆藏匿榛莽間袁與嫂衛登樓鍵門升上層避之兵至其下見寂然無聲以爲有備未敢攻也乃壞樓旁一小房門入搜其藏樓上聞之以爲兵入矣遂相率自後牕墜下及兵去家人歸扣門無應者縛梯自中層牕入歷升不見至後牕俯瞰則袁與衛顛僕枕籍喚家人婦往扶之袁尙能言曰兵去乎吾身

四
不受辱卽死何恨語訖而瞑嫂衛昏迷數日乃甦後
跋而薨猶活二十餘年初王因賊逼自樓前廳墜下
而死後袁因兵變自樓後廳墜下而死前後皆此樓
也里人遂名之爲世烈樓

傅氏浙江長興縣丞邢爲典妻崇禎十五年十二月
州境有兵城破氏知不免投井而死

以上錄舊志

國朝

劉氏馮彥居妻爲強暴所逼不受汙死

錄一統志

石氏李村二里石重興女年十四適義井里朱抱玉
長子燦數年燦病死父母憐其幼且無子欲令他適
因歸寧微以言諷之女默然於是日遂還夫家明旦抱

王以里長故將赴州氏止之曰願供晨餐食旣畢抱王去遂入寢室自縊死

吳氏文學吳抱樞女累世衣冠爲澶巨族氏幼嫻姆訓長習詩禮歸黃生士昌克全婦德內外無間言順治戊子冬濮寇入城氏適歸寧被執奮然曰我儒家女肯從賊乎速殺我賊猶豫未忍氏執手大罵賊怒鋒刃交下遂死

王氏入公橋里民龐質妻年十四歸質躬執婦道甫二歲質卒氏誓以身殉家人環守之乘間自經于夫屍側時溽暑蠅蚋不近氏體越三日色如生鄉人異之鳴于官爲請

旌表

以上錄舊志

張照妾宦姐照山西高平人遷居州治劉家村照死母逼宦姐改適堅不從痛哭不食投繯死

劉氏習城庄周立妻年十八夫亡誓欲身殉旣而曰吾夫已死翁老姑目盲吾若殉夫二老煢煢將誰依因輟泣承歡日以紡績爲供膳資凡姑出入氏必隨之如是者四十餘年至翁姑相繼歿喪葬事畢語人曰吾今日可以見吾夫于九泉矣乘間自縊而死

張氏王定庄黃統妻于歸二載夫亡誓以死殉家人守之嚴得不死以姪爲嗣撫育如已出逾二年嗣子又亡氏大慟曰未亡人所以忍死者冀嗣子成立爲

吾夫延此一脉也今已矣無復望矣生將誰依遂自縊而死康熙中知州沈宏緒爲立貞烈碑作文記其事

李氏王定庄晁如禎妻年十八夫歿氏誓以死殉家入防衛甚嚴未獲便至其夫三週日乘間自縊死

吳氏黃二庄李素妻年十八適素未幾素病久不愈氏百計祈禱並割己肉以食之素病竟不起亡之日子女俱無且貧甚氏辛苦營葬畢于三週日自縊死晁氏黃二庄宋淑閔妻年十九于歸五載淑閔外出貿易音書不達者十餘年氏問諸卜者卜者曰爾夫亡已數年矣氏於是自縊死

孫氏高廟庄馬際泰妻性貞烈年二十一夫亡未數月遺孤復不育一日歸寧有憐其苦而勸之嫁者氏憤怒歸夫家遂刎頸而歿州牧旌其門

劉氏焦二寨集肖開農妻年二十三夫亡晝夜啼哭七日不食自縊死

張氏油房庄李大成妻年二十六夫亡縊於柩前康熙二十六年

旌表

劉氏陳家屯陳僂人妻夫無行屢勸改業不聽一日演戲本村率同班謁其母氏羞與相見是夜投縊死劉氏王坤妻守正捐軀雍正六年

旌表

楊氏夾瑤庄生員尹沐妻年二十三夫亡遺女甫一月以死自誓家人以養翁姑爲勸氏曰有弟可托也翌日自縊柩前乾隆四年

旌表

段氏張珍妻守正捐軀乾隆七年

旌表

王氏劉倫妻守正捐軀乾隆七年

旌表

杜氏宋德隆妻年十八于歸甫一載夫亡居喪三年禫祭畢遂自縊死乾隆十一年

旌表

杜氏黃二庄宋德備妻夫歿身殉乾隆十五年

旌表

劉氏史軍庄王懷疏妻年二十一夫亡誓以身殉家人防衛甚密不得聞聞抑鬱成疾死

李氏白邱庄梁其元妻年二十于歸事翁姑無失禮越六年夫亡氏欲殉節家人防之密晝夜啼泣不進飲食未踰月卒

盧氏常選妻東明縣進士盧有常妻年二十二夫亡欲自裁家人防之密得不死三年喪畢飲藥而卒有司旌其門

張氏習城庄周孔緒妻年二十二夫亡遺孤甫一歲氏一痛暈絕家人救之始甦越數月墓祭躃踊大哭嘔血數口而死

侯氏清河庄張獻禎妻年二十夫亡矢志靡他翁姑憐其少欲令他適氏痛泣歸寧父母亦欲嫁之事成始令氏知氏托言拜辭舅姑遂歸夫家是夜自縊死王氏楊家郭村王森妻年十七于歸二載夫亡三日投繯者五次家人嚴防未得死遂數日不食而卒劉鳳姐劉玠女守正捐軀乾隆二十年

旌表

孟氏寺台村于得河妻年二十四夫亡氏哀痛卽日

自縊死

劉廷輔女槐家庄人幼許字李姓李貧不能娶欲令更婚廷輔不允未幾李病故女聞知遂自縊死

孫氏劉守業妻守正捐軀乾隆二十九年

旌表

江氏芮閻妻守正捐軀乾隆三十四年

旌表

宋氏馬貞妻守正捐軀乾隆四十七年

旌表

劉氏張治恭妻守正捐軀乾隆四十七年

旌表

楊氏田三妻守正捐軀乾隆五十五年

旌表

趙氏王林妻守正捐軀乾隆五十五年

旌表

廉氏王大秋毋守正捐軀乾隆五十五年

旌表

任氏吳學思妻守正捐軀乾隆五十六年

旌表

吳氏張十一妻守正捐軀乾隆五十九年

旌表

李氏李十妻守正捐軀乾隆六十年